



**Datganiad Prosesu Teg**

**Cyngor Bwrdeistref Sirol Pen-y-bont ar Ogwr - Pridiannau Tir**

Beth sy'n digwydd i wybodaeth a gedwir amdanoch chi? Eich hawliau a'n rhwymedigaethau ni i chi.

**Sut rydym yn defnyddio Data Personol**

Mae'r ddogfen hon yn egluro sut mae Cyngor Bwrdeistref Sirol Pen-y-bont ar Ogwr (y Cyngor) yn caffael, cadw, defnyddio a datgelu gwybodaeth am bobl (eu data personol), y camau yr ydym yn eu cymryd i sicrhau ei bod yn cael ei diogelu, ac mae hefyd yn disgrifio'r hawliau sydd gan unigolion o ran eu data personol sy'n cael ei drin gan y Cyngor.

Mae defnyddio a datgelu data personol yn cael ei reoli gan Ddeddf Diogelu Data 2018 a'r Rheoliad Diogelu Data Cyffredinol (GDPR) 2016. Fel y cyfryw mae Adran Pridiannau Tir y Cyngor yn rhwymedig i sicrhau ei bod yn trin pob data personol yn unol â'r ddeddfwriaeth.

Mae'r Cyngor yn cymryd y cyfrifoldeb hwnnw o ddifrif ac yn cymryd gofal mawr i sicrhau bod data personol yn cael ei drin yn briodol er mwyn sicrhau a chynnal ymddiriedaeth a hyder unigolion yn y Cyngor.

**Pam rydym ni'n trin Data Personol?**

Mae Adran Pridiannau Tir y Cyngor yn prosesu eich gwybodaeth bersonol er mwyn ei galluogi i ddarparu amrywiaeth o wasanaethau sy'n cynnwys:

- Cynnal Chwiliad i Bridiannau Tir
- Gweinyddu'r Gofrestr Pridiannau Tir Leol a Gwasanaethau Chwilio.
- Ein galluogi i ohebu â chi ynghylch Ymholiadau Chwilio, Chwiliadau Personol a chofnodion.
- Ein galluogi i gysylltu ag adrannau, Cynghorau neu Gyrrff Statudol eraill ynglŷn â materion sy'n effeithio ar y tir sy'n destun y Chwiliadau.

**Pa fath/categoriâu o Ddata Personol ydym ni'n eu trin?**

Er mwyn cyflawni'r dibenion a ddisgrifiwyd dan adran 1 uchod caiff Adran Pridiannau Tir y Cyngor gaffael, defnyddio a datgelu data personol gan gynnwys y canlynol:

- Manylion personol (enw, manylion cyswllt)
- Gwybodaeth gysylltiedig â'ch cais, cais am wasanaethau gennym ni.



## **O ble rydym ni'n caffael Data Personol ac i bwy rydym yn ei ddatgelu?**

Efallai y byddwch yn rhoi gwybodaeth bersonol i ni wrth ofyn inni gynnal Chwiliadau i chi neu efallai y bydd trydydd partion yn rhoi gwybodaeth i gynnal Chwiliadau ar eich rhan.

Efallai y caiff eich data ei rannu gydag adrannau eraill y Cyngor (e.e. Cynllunio, Rheoli Adeiladu) neu gyda'r Gofrestrfa Tir wrth inni gyflawni ein swyddogaethau, neu er mwyn galluogi eraill i gyflawni eu swyddogaethau hwy.

## **Sail gyfreithlon dros brosesu Data Personol**

Mae gennym sail gyfreithiol dros brosesu gan ei bod yn rhwymedigaeth gyfreithiol dan Ddeddf Pridiannau Tir Lleol 1975 ac yn angenrheidiol i'n galluogi i gyflawni gorchwyl a wneir er budd y cyhoedd neu er mwyn arfer awdurdod swyddogol.

Y sail gyfreithiol dros brosesu eich data o ran ymholiadau CON29 yw cyflawni contract.

## **Sut rydym ni'n trin Data Personol?**

Bydd Adran Pridiannau Tir y Cyngor yn trin data personol yn unol â deddfwriaeth diogelu data. Yn neilltuol, byddwn yn sicrhau bod data personol yn cael ei drin yn deg ac yn gyfreithlon gyda chyfiawnhad priodol. Byddwn yn ymdrechu i sicrhau y bydd unrhyw ddata personol a ddefnyddir gennym ni neu ar ein rhan o'r ansawdd gorau o ran cywirdeb, perthnasedd, digonolrwydd a heb fod yn ormodol, yn cael ei gadw'n gyfredol fel sydd angen, yn cael ei ddiogelu'n briodol, ac yn cael ei adolygu, ei gadw a'i ddinistrio'n llwyr pan na fydd ei angen mwyach.

## **Sut rydym ni'n sicrhau diogelwch Data Personol?**

Mae'r Cyngor yn cymryd diogelwch yr holl ddata personol sydd dan ein rheolaeth o ddifrif. Byddwn yn sicrhau bod y polisi, yr hyfforddiant, y mesurau technegol a gweithdrefnol priodol yn eu lle, gan gynnwys archwilio a monitro cyfanrwydd, er mwyn amddiffyn ein systemau gwybodaeth ysgrifenedig ac electronig rhag colli a chamddefnyddio data, a pheidio â chaniatáu mynediad ato ond pan fydd yna reswm dilys i wneud hynny, ac wedyn dan ganllawiau caeth ynghylch pa ddefnydd y gellir ei wneud o ddata personol sydd wedi ei gynnwys ynddo. Mae'r gweithdrefnau hyn yn cael eu rheoli'n gyson a'u gwella er mwyn sicrhau diogelwch cyfredol.



## **Beth yw'ch hawliau mewn perthynas â'ch data personol a gaiff ei drin gan BCBC?**

Mae gan unigolion hawliau amrywiol:

1. Yr hawl i gael gwybod
2. Yr hawl i fynediad
3. Yr hawl i gywiro
4. Yr hawl i ddileu
5. Yr hawl i gyfyngu prosesu
6. Yr hawl i gludadwyedd data
7. Yr hawl i wrthwynebu
8. Hawliau mewn perthynas â phenderfynu a phroffilio awtomataidd

### Yr hawl i gael gwybod

Mae gennych chi hawl i gael gwybod am gasglu a defnyddio eich data personol. Rhaid i'r Cyngor roi gwybodaeth i chi yn cynnwys: dibenion prosesu eich data personol, y cyfnodau cadw ar gyfer y data hwnnw, ac â phwy y caiff ei rannu. Gelwir hyn yn 'wybodaeth preifatrwydd'.

Mae gan unigolion wahanol hawliau:

### Hawl mynediad

Gallwch gael copi, yn amodol ar eithriadau, o'ch data personol a gedwir gan y Cyngor. Mae copi o'r ffurflen gais ar gael ar ein gwefan:

<https://www.bridgend.gov.uk/cy/fy-nghyngor/rhyddid-gwybodaeth/diogelu-data/>

Mae gennych hefyd hawl i gael cadarnhad a yw data sy'n ymwneud â chi yn cael ei brosesu gan y Cyngor ai peidio. Os yw hynny'n wir, mae gennych hawl i'r wybodaeth ganlynol yn amodol ar eithriadau:

- Pwrpasau a sail gyfreithiol y prosesu
- Y categorïau o ddata personol dan sylw
- Y derbynwyr y datgelwyd y data personol iddynt
- Y cyfnod y rhagwelir y bydd y data personol yn cael ei storio
- Cyfathrebu'r data personol sy'n cael ei brosesu, ac unrhyw wybodaeth sydd ar gael o ran ei darddiad.



*Sylwch fod 'prosesu' yn golygu gweithrediad neu set o weithrediadau a gyflawnir ar ddata personol megis casglu, cofnodi, trefnu, strwythuro, storio, addasu, newid, dileu, cyfyngu, adfer.*

Mae'n bosibl y bydd angen Prawf Adnabod ac unrhyw wybodaeth bellach sydd ei hangen i ddod o hyd i'r wybodaeth cyn y gall y Cyngor gydymffurfio â'ch cais.

Dylid gwneud unrhyw gais am y wybodaeth uchod yn ysgrifenedig i'r Swyddog Diogelu Data a bydd y Cyngor yn ymateb o fewn mis.

#### (Cywiro data

Gallwch ofyn i'r Cyngor gywiro data personol anghywir sy'n ymwneud â chi. Os yw'r data yn anghywir oherwydd ei fod yn anghyflawn, rhaid i'r Cyngor ei gwblhau os yw'n ofynnol iddo wneud hynny gennych chi.

Dylid gwneud cais yn ysgrifenedig i'r Swyddog Diogelu Data a bydd ymateb yn cael ei anfon o fewn mis.

#### Dileu neu gyfyngu data personol

Gallwch ofyn i'r Cyngor ddileu'ch data neu gyfyngu ar unrhyw brosesu ar eich data, yn amodol ar eithriadau.

Dylid gwneud pob cais i'r Swyddog Diogelu Data. Yna bydd y Cyngor yn eich hysbysu a yw'r cais wedi'i ganiatáu ac os gwrthodwyd ef, y rhesymau dros y gwrthod.

#### Hawl i beidio â bod yn destun gwneud penderfyniadau awtomataidd

Mae gennych yr hawl, yn amodol ar eithriadau, i beidio â bod yn ddarostyngedig i benderfyniad pan fydd yn seiliedig ar brosesu awtomataidd a'i fod yn cael effaith gyfreithiol neu effaith sy'n debyg iawn arnoch chi. Mae gennych hawl i fynegi'ch safbwynt a chael esboniad gan y Cyngor o'i benderfyniad a'i herio.

Ond dylid nodi nad yw'r hawl hwn yn berthnasol i bob penderfyniad gan fod eithriadau, er enghraifft, awdurdodiad yn ôl y gyfraith, cyflawni contract y byddwch chi'n barti iddo.

#### Yr hawl i gludadwyedd data

Mae'r hawl i gludadwyedd data yn caniatáu i chi gaffael a defnyddio eich data personol i'ch dibenion eich hun ar draws gwasanaethau gwahanol.

Nid yw'r hawl yn berthnasol ond i'r wybodaeth yr ydych chi wedi ei rhoi i'r Cyngor.

#### Yr hawl i wrthwynebu

Mae gennych chi'r hawl i wrthwynebu prosesu eich data personol mewn rhai amgylchiadau.



Mae gan y Cyngor un mis calendr i ymateb i wrthwynebiad

### **Am ba hyd y mae BCBC yn cadw data personol?**

Mae BCBC yn cadw data personol cyhyd ag y bo'n angenrheidiol at y diben neu'r dibenion penodol y mae'n cael ei gadw ar ei gyfer yn unol â [Pholisi Cadw Data](#) y Cyngor.

### **Cysylltwch â Ni**

Gall unrhyw unigolyn sydd â phryderon ynghylch y ffordd y mae BCBC yn trin eu data personol gysylltu â'r Swyddog Diogelu Data yn y Cyngor fel a ganlyn:

Cyngor Bwrdeistref Sirol Pen-y-bont ar Ogwr, Swyddfa Wybodaeth, Swyddfeydd Dinesig, Angel Street, Pen-y-bont ar Ogwr, CF31 4WB.

[E- bostiawch foi@bridgend.gov.uk](mailto:E-bostiawch_foi@bridgend.gov.uk)

Ffôn 01656 643565

Gallwch fynegi pryderon wrth y Comisiynydd Gwybodaeth hefyd. Gellir cysylltu â'r Comisiynydd Gwybodaeth yn:

Swyddfa'r Comisiynydd Gwybodaeth - Cymru

2il Lawr

Tŷ Churchill

Ffordd Churchill

Caerdydd

CF10 2HH

Ffôn: 02920 678400 Ffacs: 02920 678399

[E-bost: wales@ico.org.uk](mailto:E-bost:wales@ico.org.uk)

Gwefan: <https://ico.org.uk/>